



РОССИЯ ФЕДЕРАЦИЯСИ ПРЕЗИДЕНТИ БИЛАН ТЕЛЕФОН ОРҚАЛИ МУЛОҚОТ ТЎҒРИСИДА

2016 йил 7 октябрь куни Ўзбекистон Республикаси Президенти вазифасини бажарувчи Шавкат Мирзиёев билан Россия Федерацияси Президенти Владимир Путиннинг телефон орқали мулоқоти бўлиб ўтди.

Ўзбекистон раҳбари Россия Президентини таваллуд куни билан самимий табриклаб, унга сиҳат-саломатлик ва давлат раҳбари сифатидаги серқирра фаолиятига муваффақиятлар, Россия халқига тинчлик-хотиржамлик ва фаровонлик тилади.

Ўзбекистонда Владимир Путиннинг мамлакатларимиз ўртасидаги стратегик шериклик ва иттифоқчилик муносабатларини мустаҳкамлаш ҳамда ривожлантиришга қўшаётган шахсий ҳиссаси юксак қадрланади.

Шавкат Мирзиёев ва Владимир Путин савдо-иқтисодий, инвестициявий, маданий-гуманитар ва бошқа соҳаларда ўзаро манfaatли ҳамкорликни кенгайтириш бўйича турли даражада Ўзбекистон — Россия мулоқотлари фаоллашганини мамнуният билан таъкидладилар.

Ўзбекистон ва Россия раҳбарлари ўзаро ҳамкорликда доир бошқа қатор масалалар ва айрим халқаро муаммолар юзасидан ҳам фикр алмашдилар.

ЎЗА

МУСТАҚИЛ ДАВЛАТЛАР ҲАМДЎСТЛИГИ ДАВЛАТ РАЎБАРЛАРИНИНГ ЎЗБЕКИСТОН ХАЛҚИГА МУРОЖААТИ

2016 йил 16 сентябрь

Бишкек шаҳри

Биз, Мустақил Давлатлар Ҳамдўстлиги давлат раҳбарлари Ўзбекистон Республикасининг Биринчи Президенти Ислам Абдуганиевич Каримовнинг вафоти муносабати билан мустақил Ўзбекистон тарихидаги мураккаб даврда дўст Ўзбекистон халқини қатъий қўллаб-қувватлашимизни билдирамыз.

Ўзбекистоннинг иқтисодий салоҳиятини ривожлантириш, халқаро нуфузини ошириш ва аҳоли фаровонлигини юксалтиришга хизмат қилган кенг қўламли ислохотлар буюк давлат арбоби Ислам Каримов номи билан боғлиқдир. У ўзининг бутун ҳаётини халқига садоқат билан хизмат қилишга бағишлади.

Ислам Абдуганиевич Каримов Мустақил Давлатлар Ҳамдўстлигининг асосчиларидан бўлиб, Ҳамдўстлик давлатларининг халқлари ўртасида иқтисодий алоқалар, дўстлик ва яқин қўшничилик муносабатларини мустаҳкамлаш йўлида жуда кўплаб ишларни амалга оширди. Ўзбекистон раҳбари сифатида Марказий Осиёда тинчлик ва осойишталикни таъминлаш,

минтақани хавфсиз ва барқарор ривожлантирган ҳудудга айлантиришга бениҳоя катта ҳисса қўшди.

Ўзбекистон бундан буён ҳам изчил ривожланиши ва Ҳамдўстлик мамлакатлари халқлари билан дўстлик, яқин қўшничилик муносабатларини ҳар томонлама мустаҳкамлаш ишларини қатъий давом эттиришга ишонч билдирган ҳолда, Ўзбекистон халқининг тинчлик, барқарорлик ва ҳамжиҳатликни таъминлаш борасидаги ҳаракатларини тўлиқ қўллаб-қувватлаймиз.

Ўзбекистон Республикаси Биринчи Президентининг тарихий мероси Ҳамдўстлик халқларининг аҳил оиласида дўстона муносабатларни ривожлантириш ва мустаҳкамлашга доимо хизмат қилишига ишонамыз.

ЎЗХДП: УСТУВОР ВАЗИФАЛАР

Ўзбекистон Халқ демократик партиясининг жорий йил 14 октябрь куни ўтказиладиган X Қурултойига қизғин ҳозирлик кўрилмоқда. Айти кунларда ҳудудий партия кенгашлари пленумларида делегатлар сайланмоқда.



САЙЛОВОЛДИ ТАДБИРЛАРИ юқори савияда ташкил этилмоқда

«Ҳаётимнинг узвий бир қисми, ҳеч унутилмас даври мана шу Қашқадарё заминида кечди»



Ислам КАРИМОВ:

Тақдир деймизми, туз-насиба деймизми, ҳаётимнинг узвий бир қисми, ҳеч унутилмас даври мана шу Қашқадарё заминида кечди. Шу боис, мен бу гўзал юртга нисбатан қалбим тўрида меҳр-муҳаббат туйғусини сақлаб, қизғин меҳнат, эзгу орзу-ният ва интилишлар билан ўтган ўша йилларни доимо миннатдорлик билан эслайман. Ўша мураккаб пайтларда оғир муаммолар гирдобиди қолиб кетган Қашқадарё вилоятида мавжуд бўлган ночор аҳволни ўнглаш, юртни обод этиш йўлида сиз, азизлар билан қандай ҳаракатлар, қандай катта мақсад ва режаларни амалга оширишга эришганимиз, ўйлайманки, барчамизнинг хотирамизда ёрқин саҳифа бўлиб қолажак.

Шахсан мен умримнинг энг қизғин, суронли ва бахтли давлари Қашқа воҳасида ўтказганимни, шу юртда ўзим учун ҳаётим мактаб, катта тажриба топганимни, сизларнинг қувонч ва ташвишларингизга шерик бўлиб, меҳр-оқибат кўрганимни ҳеч қачон унутмайман.

► Давоми 3-бетда.

МУНОСАБАТ

Ота-боболаримиз азал-азалдан қуриб, яратиб яшаган. Бошқача айтидиган бўлсак, бунёдкорлик, ишбилармонлик халқимизнинг қониди бор. Шу маънода Ўзбекистон Республикаси Президентининг 5 октябрда қабул қилинган «Тадбиркорлик фаолиятининг жадал ривожланишини таъминлашга, хусусий мулкни ҳар томонлама ҳимоя қилишга ва ишбилармонлик муҳитини сифат жиҳатидан яхшилашга доир қўшимча чора-тадбирлар тўғрисида»ги Фармони муҳим ҳаётий аҳамиятга эгадир.

ИШЛАЙМАН, ИШ ЎРНИ ЯРАТАМАН, деган одамнинг йўли очик

Авалло шуни айтиш керакки, ўшбу фармонда белгиланган устувор вазифалар, илгари сурилган долзарб масалалар тадбиркорларни ўйлантириб келаётган қатор муаммоларни босқичма-босқич ҳал қилишга қаратилган. Шунинг учун фармон ҳамюртларимиз, тадбиркорлар, умуман, кенг жамоатчилик томонидан кўтаринки руҳ билан, миннатдорлик билан қабул қилинди.

Фармонга берилган шарҳда таъкидланганидек, мазкур ҳужжат, энг аввало, хусусий мулкни ҳуқуқий ҳимоя қилишни янада кучайтиришга, кичик бизнес, хусусий тадбиркорлик учун қулай шарт-шароитлар яратишга ва ҳар томонлама қўллаб-қувватлашга, республиканинг инвестициявий жозибадорлигини оширишга йўналтирилган. Бу эса ўшбу соҳада давлат сиёсати сифат жиҳатдан янги даражага кўтарилишдан далolat беради.

Этибор беринг, фармонда тадбиркорлик субъектларига имтиёз ва енгилликлар бериш, уларнинг ҳуқуқларини ҳимоя қилиш, бу борада давлат органлари ходимларининг масъулиятини ошириш масалалари кўзда тутилган. Мана шу уч омил бугунги кун тадбиркорлари учун низоҳатда муҳим аҳамиятга эгадир.

Тадбиркорлик субъектларининг ҳуқуқлари ва қонуний манфаатларини ҳимоя қилиш соҳасида монфаатларини ҳимоя қилиш ҳақида қўшимча қарорлар қабул қилинган. Шунинг учун тадбиркорлик фаолиятини жадал ривожлантириш, хусусий мулкчиликни ҳар томонлама ҳимоя қилиш ва ишбилармонлик муҳитини сифат жиҳатдан яхшилаш борасида бешта энг устувор соҳа бўйича Комплекс чора-тадбирлар дастури тасдиқланган. Унга кўра, 42 та аниқ чора-тадбир амалга оширилади.

Кенг қамровли фармон қондаларини амалда рўйбга чиқариш алоҳида аҳамиятга эга масаладир. Шунинг учун тадбиркорлик фаолиятини жадал ривожлантириш, хусусий мулкчиликни ҳар томонлама ҳимоя қилиш ва ишбилармонлик муҳитини сифат жиҳатдан яхшилаш борасида бешта энг устувор соҳа бўйича Комплекс чора-тадбирлар дастури тасдиқланган. Унга кўра, 42 та аниқ чора-тадбир амалга оширилади.

Шубҳасиз, мамлакатимизда ишбилармонлик муҳитини ривожлантириш, ҳар томонлама қулай шароит яратишда парламентимиз, яъни Олий Мажлис палаталари олдида ҳам масъулиятли вазифалар турибди.

Ёкуб УМАРОВ,
Олий Мажлис Қонунчилик палатаси
Меҳнат ва ижтимоий масалалар
қўмитаси раиси,
Ўзбекистон ХДП фракцияси аъзоси.

САЙЛОВ — 2016

САЙЛОВЧИЛАР ҲУҚУҚИЙ МАДАНИЯТИ ЯНАДА ОШИРИЛАДИ

Жорий йилнинг 7 октябрь куни Ўзбекистон Республикаси Президенти сайловга бўйича Республика матбуот марказида Ўзбекистон Республикаси Президенти сайловини ўтказувчи округ сайлов комиссиялари, сайловда қатнашаётган сиёсий партиялар ҳамда оммавий ахборот воситалари вакиллари иштирокида Марказий сайлов комиссиясининг навбатдаги мажлиси бўлиб ўтди.

Марказий сайлов комиссияси раиси М.Абдусаломов бошқарган мажлисда сайловга тайёргарлик кўришга доир масалалар кўриб чиқилди. Видеоконференцада шаклида ўтган тадбирда жамоат ташкилотлари, оммавий ахборот воситалари ва бошқа фуқаролик жамияти институтлари тақлифлари асосида ишлаб чиқилган Ўзбекистон Республикаси Президенти сайловида тайёргарлик кўриш даврида сайловчилар ҳуқуқий маданиятини юксалтириш бўйича ўтказиладиган тадбирлар дастури лойиҳаси муҳокама қилинди.

Дастурда назарда тутилган тадбирлар аҳолининг кенг қатлами,

хусусан, хотин-қизлар, ёшлар, айниқса, биринчи мартаба овоз берувчи фуқаролар, нурунийлар, имконияти чекланган шахслар, ҳарбий хизматчилар, фуқароларнинг ўзини ўзи бошқариш органлари, меҳнат жамоалари, ўқув муассасалари вакиллари, шунингдек, хориждаги ҳамюртларимизни қамраб олади.

«Қамолот» ёшлар ижтимоий ҳаракати, Хотин-қизлар қўмитаси, «Маҳалла» хайрия жамоат фонди, Республика байналмилал маданият маркази ва фуқаролик жамиятининг бошқа институтлари давлат ҳокимияти ва бошқаруви органлари билан ижтимоий

шерикликда «Менинг овозим — Ватаним келажаги», «Мен шахсан ўзим овоз бераман», «Биз танлаш ҳуқуқига эгамиз», «Сайловчилар рўйхатида бормисиз?», «Ягона оилада» каби фуқароларнинг ҳуқуқий маданияти ва электорал фаоллигини янада оширишга қаратилган акцияларни ўтказиш режалаштирилган.

Тағрибот тадбирлари давра суҳбати, семинар, учрашув, бево-сита мулоқот, конференция, тренинг шаклларида, шунингдек, оммавий ахборот воситалари орқали мақола, эшиттириш ва кўрсатувлар эълон қилиш, турли рисо-ла, флаер ва бошқа тарғибот ма-териалларини тайёрлаш орқали амалга оширилади.

Мажлисда 7-Самарқанд, 9-Сурхондарё, 11-Фарғона округ сайлов комиссиялари раисларининг ҳудудларда Ўзбекистон

Республикаси Президенти сай-ловига тайёргарлик ишларининг бориши ҳақидаги ахбороти эши-тилди. Округ сайлов комиссия-лари томонидан Ўзбекистон Рес-публикаси Президенти сайлови-ни ўтказувчи сайлов участка-лари тузилган кайд этилди. Ҳозирги кунда мамлакатимиз ва хорижда 9 минг 376 сайлов участкаси тузилди. Округ сай-лов комиссиялари томонидан участка сайлов комиссиялари таркибини шакллантириш иш-лари бошланди.

Тадбирда Марказий сайлов ко-миссияси ваколатига тааллуқли бошқа масалалар ҳам муҳокама қилиниб, қирилган масалалар ю-засидан тегишли қарорлар қабул қилинди.

Б.БОЗОРОВ,
ЎЗА муҳбири.

